



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellus Sodalitatis: Hoc Est: Christianarum Institutionum
Libri quinque**

Coster, Franciscus

Antverpiæ, 1587

21 Breuis explicatio orationis Dominicæ, & salutationis Angelicæ.

[urn:nbn:de:hbz:466:1-46553](#)

4. Assumptio B. virginis Mariæ.

5. Gaudium vitæ cœlestis.

Vt autem subinde Orationis Dñicę & Angelicę Salutationis, quibus Rosariū cōstat, verba ipsa expendantur meditando, subiiciemus breuem viriusq. explicationem, quę materiam præbere poterit maioris considerationis.

CAPUT XXI.

BREVIS EXPLICATIO ORATIONIS DOMINICE.

ORATIONIS huius præfatio pauca habet verba, plena mysteriis. *Pater*, est nomen amoris, significans primò, quod oraturus non debeat inimicus esse Dei, sed amicus, imò filius, deposita voluntate peccandi, & de peccatis dolens. Secundò, quod magna fiducia ad Deum sit accedendum, quia à patre nihil non est expectandum.

Noster, non dicis, meus, sed nomine cōmuni *noster*: quia æqualiter Deus est omniū pater, omnes ex equo attingens, pauperes atq. duites. Adferenda est ergo ad hanc orationem:

1. Charitas proximorum, qua omnes filios Dei ames, eisq. bene velis: 2. Humilitas: ne te cuiquam præponas.

Qui es in celis. Significatur primo, ad hāc orationē adferendā esse mētē ad cœlestia eleuata, exclusis terrenis cogitationibus. Secundo, magna totius hominis cōternā atq. internā reueuentiā: quia pater est cœlestis, nō terrenus. tertio, nihil nisi cœlestē à patre cœlesti petēdum.

Sequuntur

Sequuntur nunc petitiones septem, quarum priores
quatuor cupiunt bona concedi, posteriores reli-
qua mala remoueri.

1. Sanctificetur nomen tuum. Id est, gratias tibi
pro beneficiis tuis ago; oroq. vt nomen, boni-
tas, atq. maiestas tua omnibus hominibus in-
notescat, ab omnibus laudetur, & vbiq. depre-
dicetur: potissimè verò precor, vt ego in actio-
nibus meis omnibus & verbis tuam gloriam
quærar, & mea omnia ad tuam laudem pro-
ximorumque utilitatem referam.

2. Adueniat regnum tuum. Id est, opto vt tu
Deus in terris vbiq. regnes; atq. excluso impe-
rio diaboli, tu omnia mundi regna possideas:
& præsertim ne regnet peccatum in meo mor-
tali corpore; sed tu domineris omnibus viri-
bus & potentiis meis; meque ad cælestē re-
gnū dirigas, atque perducas.

3. Fiat voluntas tua, sicut iu cœlo & in terra. Id
est, Da queso gratiam populo tuo vt iussis tuis
obtemperet: præterea in singulis actionibus
nostris voluntatem tuam nobis aperias. De-
nique, meipsum Domine tuæ voluntati totū
resigno, vt (dùmodo per me celebretur & san-
ctificetur nomen tuum, & tu excluso regno
peccati in me solus regnes) facias de me & sta-
tuas iuxta sanctissimam voluntatem tuam.

4. Panem nostrum quotidianum da nobis hodie. Id
est, Nutri & pasce animam meam, & corpus
meum conuentib⁹ nutrimentis: Animam
quidem verbo tuo, vt illud mihi sapiat, siue in
cōcione, siue in oratione, siue quoquis alio mo-
do

de mihi proponatur: item sacro corpore tuo, ad quod frequenter & deuotè sumendū peto excitari. Corpus verò, cibo quotidiano, rebusq. nō superfluis, sed necessariis, iusto labore aut titulo, non per iniustitiam acquisitis.

Sequuntur tria mala, quæ cupimus am̄eri.

5. *Et dimitte nobis debita nostra, sicut & nos dimittimus debitoribus nostris.* Id est, Mala præterita, nimirum peccata, quibus te offendimus, gratis per filij tui passionem dimitte: venialia quidem seu quotidiana, per dolorem, & hanc orationem à te institutam: grauiora verò seu mortalia, per sacramentū pœnitentię: ad quod deuotè accedendum da quæso tempus oportunum, gratiam & deuotionē. Et tametsi ego ex animo proximis omnibus offensas remittere videar, tu tamen me iuua, ut nunquā offensæ alicuius reminiscar.

6. *Et ne nos inducas in temptationem.* Id est, Mala futura à nobis arceas; cauēs ne vnquā in peccatum consentiamus, néve occasionē demus, vt à te deseramur: & si vitio nostro nos labi contingat, ne cor nostrum obduretur, sed statim conuertatur, & à peccato resurgat.

7. *Sed libera nos à malo, Amen.* Præsentia mala à nobis depelle, famem, bellam, pestem, aliasque corporales calamitates; & etiam prosperitates, si ad animæ salutem non conducunt: spiritualia quoque mala, in quibus est concupiscentia nostra, quæ continuum spiritui bellum infert: vt ab ea si non penitus, saltem ex parte absoluamur.

Expo-

ORationi Dominicæ subiungi solet Salutatio Angelica, duplii de causa. Primò quidem, ut sciamus, non nostris meritis predictas petitiones vel obtainendas, vel expectandas, sed per Christum Iesum, incarnatum: qui hac salutatione virginem matrem, ad consensum in incarnationem, Angelica voce inuitauit. Secundò vero, ut discamus, in cælis nobis esse patronam & aduocatam negotiorum nostrorum, apud aeternum Regem, cui curam libelli nostri supplicis Deo porrecti commitimus, ut eius nobis petitiones impetreret, causamque nostram agat.

Ave, id est, Gaude, lætare, salue. Salutata B. Virgo p̄ benigna sua charitate, resalutabit.

Maria, nomen proprium, quod dominam significat, & stellam maris.

Gratia plena, id est, Ornata Dei gratia atque iustitia, repletaq. virtutibus in anima, eiusq. potentiis omnibus.

Dominus tecum, id est, Placent Deo cogitationes, verba, & opera tua: nihil in te est, quod ipsi displiceat. ideoq. nunquam à te Deus absuit, & semper tu Deo in cælis adhæres.

Benedicta tu in mulieribus, id est, Tu præter cæteras mulieres es benedicta: 1, quia mater & virgo: 2, quia mater Dei: 3, quia assequitur summam dignitatem, quæ muliebri sexui dari poterat: nempe ut es es Regina cæli & terre, prima sub Deo, super omnem creaturam. Unicus te præcedit vir, Christus, Rex orbis, Deus

&c

INSTITUTIONVM LIB. I. 25
& homo. Duo enim erant summa officia con-
ferenda: alterum viro, esse Regem orbis: alte-
rum foemine, esse orbis Reginam; illud habet
Christus, hoc tibi est concessum.

Et benedictus fructus ventris tui Iesus. Hoc est,
Filius tuus est verus, perfectusq. homo: idem
est filius Dei, super omnia Deus benedictus in
secula, cui innumeris nominibus, & præser-
tim hoc nomine à nobis laus, gratiarū actio, &
benedictio debetur, quod te matrem suam in
Dominam nobis, Patronam, & Aduocatam
contulerit.

*Sancta Maria mater Dei ora pro nobis peccatori-
bus nunc, & in hora mortis nostre. Amen.* Merito
rogare potes: quia ut Domina, cura & ostri ge-
ris: & non difficile impetrabis: quia filius est
quem das. Oramus autem te, ut per te bona
omnia impetremus, per quam bonorum om-
nium auctorem accepimus.

CAPUT XXII.
DE PVLSV AD SALV-
tationem Angelicam.

SIGNVM campana ter interdiu dari so-
let ad orationē: mane, meridie, & vesperi:
ut meminerint Christiani, si saepius non
possint, saltem tribus istis temporibus esse oran-
dum, iuxta Psalmum, Vespere, mane, & meridie
varrabo & annunciabo, & exaudiens vocē meā. Ma-
ne quidē initio diei, futuras actiones suas ad
Dei gloriam referendo. Meridie verò, in me-
dio diei cursu, animam lassam breui oratione
refi-